


Kékwán anima Pap test ká itakik?

Ékwánima anima ká wápamikawiyán ta oci kiskénikátéw máti ké mancósitáspínéyan anta ká oci ocawásimisiyan. Wípac nawac máci natawítániwaki óma éko takí nakáskikátéw anima éká ta mancósitáspínéyan. Móna kékwán itakitéw óma ta itótamákawiyán.



Kékwán anima anisko kwayáw?

Anima anisko kwayáw ká itakik anta itéké ká oci ocawásimisinániwak. Ékwánik ókik awásisak ékota ká oci nitáhikicik.



Ninatawénitén ná ta wápamikawiyán?

Kakinaw ókik iskwéwak kákí noci nápéwécik ásay takí itotécik ta wápamicik.

Tánispík éko tántatwá óma takí wápamikawiyán?

Piko 21 tatwáskínéyani ta máci wápamikawiyán anima oci 'Pap' ká icikáték ékota oci tanto nisto askíya inikok 69 tatwáskínéyani.

Kékwán máka oci natawénitamán ta wápamikawiyán?

Ékoma Human Papillomavirus ká itakik macáspínéwin anima éko takí wanápaniw kékwána anima anta ká oci ocawásimosinániwak ékoma ákosiwin ayáyani. Anima ká ati wani nitáhikik anta kékwán kikakí ati oci mancósitáspínan. Éko anima ká natawi wápamikowiyán takí miskikátéw mwés ati mancósitáspínéyan.

Kékwán anima oci HPV cístahowéwin?

Anima HPV maskiki kikakí wícihikon ta nakáskikémakaki éká ta mancósitáspínéyan. Ékoma maskikí mwaci kikakí wícihikon kisáspin ásay ki tayán anihi HPV macáspínéwina. Kisáspin ásay ékosi kikí isi cístahokawin, piko ocitaw ta natawi wápamikawiyán.

Tánté kéki itotéyan óma ta wápamikawiyán ékwéniw oci?

Kikakí kakwécimáw ana maskikíwininiw wéká ana maskikíwiskwéw, wéká nété ká oci pamihicik káwi ákosiwáspínécik ininiwak wéká kikakí ápacitán anima ká nókopaniki masinahikéwina GetCheckedManitoba.ca.

Wésám piko óki kakinaw ká mancósitáspínániwak ita ká oci ocawásimisinániwak takí nakáskikátéw kisáspin wáwípac itotániwak ta wápamikawiyán máti ké ati itáspínéyan.

Kisáspin awasimé kinoté kiskéniténáwáw kékwána, óté pé itoték:

CervixCheck, CancerCare Manitoba

#5-25 Sherbrook Street, Winnipeg, Manitoba R3C 2B1

Wéká kikakí pé isi ayamin: 204-788-8626

Móna kékwán kika tipahikán: 1-855-952-4325

CervixCheck@cancercare.mb.ca

GetCheckedManitoba.ca